

Wegonen ge-gikendaman iwe Paxlovid dazhinjigaadeg

Wegonen iwe Paxlovid?

Mashkiki iwe Paxlovid ji-onji-aakozisiwan iwe COVID-19

Niizhinoon mashkikiwan (nirmatrelvir gaye ritonavir) gaa-niizhoo-anokiimagakin ji-onji-aakozisiwan iwe COVID-19 giyawing.

Iwe Paxlovid odaapinaman gaawiin gi-ga-gichi-aakozisii gaawiin memwaach gi-ga-izhaasii aakoziwigamigong iwe COVID-19 onji.

Giiyaabi dash gi-ga-onji aakozi iwe COVID-19 aanawi odaapinaman iwe Paxlovid.

Gaawiin wiin ashowizii-mashkiki inwaadesinoon iwe Paxlovid. Giiyaabi gi-daa-odaapinaanani ini ashowii-mashkikiwan ji-jiita'ogooyin ji-onji-mananaa-aakozing iwe COVID-19.

Awenen ge-odaapinangiban iwe Paxlovid?

Gi-daa-odaapinaan iwe Paxlovid giishpin COVID-19 inendaagoziyin ji-onji-gichi-aakoziyin. Apan naanogon izhiseg ishkwa-inamanji'oyin e-ayaayin iwe COVID-19 gi-daa-maajii-odaapinaan iwe Paxlovid ji-anokiimagak.

Giishpin aakoziwaadiziyn gaye gitaadiziyn gaye gaawiin gaa-odaapinanziwan ashowizii-mashkiki gidaa-gichi-inaapine.

Mino-ayaawin gaa-anokiitang gi-daa-wiindamaag giishpin ji-aakoziyamban. Bizaanigo gaye gi-daa-aabajitoon Ontario aabajichigan ji-gikendaman

giishpin ji-aakoziyamban: <https://covid-19.ontario.ca/covid-treatment-screener>

Gi-daa-gichi-aakoz giishpin:

- ✓ Awashaime 60 daso-bibooneyin;
- ✓ Awashime 18 daso-bibooneyin gaye aakoziwaadiziyn (okeyaapineyn gemaa odaapinaman mashkikiwan);
- ✓ 18 biinish 59 daso-bibooneyin gaye gaamashi gaa-jiita'ogooyin ji-ayaayin ashowizii-mashkikiin (gemaa awashime ngodwaaso giizis apan gaa-gii-jiita'ogooyin gemaa COVID-19 gaa-gii-ayaayin)
- ✓ 18 biinish 59 daso-bibooneyin gemaa aakoziyin ji-onji-ayaayamban iwe COVID-19. Aaninda inaapinewinan ge-onji-ayaa'amban COVID-19 aakoziwin onowe:
 - Gaa-amowemagak aakoziwin gemaa manijooshiwaapinewin gaa-izhinikaadeg
 - Niboowisewin
 - Odedikosiwaapinewin
 - Okonaapinewin
 - Opanaapinewin
 - Cystic fibrosis
 - Zhiwaapinewin
 - Maakiziwin
 - Ode'iwaapinewin
 - HIV aakoziwin
 - Inendamowining aakoziwinan
 - Wiininowin
 - Gigishkawaawasowin gemaa noongomiike gii-gigishkawaawasod awiya

- Zagaswaawin (noongom gemaa odaanaang)
- Miniwaapinewin

Ganoosh mino-ayaawin gaa-anokiitang ji-dazhindaman giishpin ji-onji-gichi-aakoziyamban imaa COVID-19.

Ganabach nindayaan COVID-19. Aaniin ge-onji-debinamaambaan iwe Paxlovid?

Omaa inaabin giishpin aakoziyin: **covid-19.ontario.ca/exposed#symptoms**

Giishpin ndaa-gichi-aakoz inendaman COVID-19 dash inamanji'oyin e-ayaayin:

- Ganoosh mashkiki-gaa-izhi-adaawaadeg (niibiwa igi adaawaagewag Paxlovid)
- Ganoosh gaa-naagaji'ig (mashkikiwinini gemaa mashkikiwikwe)

Gi-daa-ganoonag Health811 giishpin wii-gagwedweyin gegoon ji-wiji'igooyin Giigidon 811 gemaa inaabin **Ontario.ca/health811** ji-ganoonad mashkikiwikwe.

Health811 gi-daa-izhi-ganoonaa awiya giishpin iwe maawach geminoseg.

Gichi-inendaagwan ji-ganoonad mashkikiwinini apii maajii-inamanji'oyin e-ayaayin iwe aakoziwin. Paxlovid daa-maajii-aabajichigaade naanogon apii maajii-inamanji'oyin ji-anokiimagak.

Giishpin gichi-inamanji'oyin giigidon 911 gemaa aakoziwigamigong izhaan Daabishkoo owe inamanji'oyin:

- Gashkitoosiwan weweni ji-bagidanaamoyin
- Dewaakiganeyin
- Waniikeseyin

- Giiwashkweyendaman

Wegonen wiindamaagewin ge-biidoowaan ganoonag mashkikiwikwe iwe Paxlovid dazhindamaan?

Giishpin ganoonad mashkikiwikwe, owe biidoon:

- Ozhibii'an gakina mashkikiwan gaa-odaapinaman gaa-gii-miinigooyin mashkikiwan gaa-izhi-adaawaadegin gaye giin gaa-gii-adaaweyin, miiijimi-mashkikiwan, gaye gitigaaning gaa-onjiigin mashkikiwan
- Wiindamaagen aaniin ezhiyaayin, gakina gegoon
- Gaa-ozhibii'igaadeg gi-miskwiim ezhiseg.

Wiindamaagen giishpin manaa-miijiyin gegoon gemaa aakoziyin gidedikosiwing gemaa gikoning gemaa gigishkawaawasoyin, nooni'aawasoyin gemaa odaapina-man boonoozhe-mashkiki (daabishkoo boonoozhe-mashkikiwan, agwa'iganan).

Ndaa-gikenimigoo na giishpin e-ayaayaan COVID-19 ji-aabajitoowaan Paxlovid?

Giishpin izhinaagwag e-ayaayin COVID-19, gi-ga-miinigoo Paxlovid. PCR gemaa wewiib ando-gikenjigewin gemaa antiven ando-gikenjigewin (aanawi giishpin endaayin gaa-izhi-ando-gikenindizoyin).

Gaawiin memwaach gidaa-ayaasiin iwe inaapinewin jibwaa-ganoonad mashkikiwikwe iwe Paxlovid onji. Gi-ga-miinigoog giishpin andawendaman bezhig.

Gaawiin na memwaach ji-diba'aman iwe Paxlovid?

Gaawiin memwaach diba'igaadesinoon Paxlovid mashkikiwinini inig ji-ayaayin. Gaawiin memwaach OHIP gi-daa-aabajitoosiin ji-ayaayin Paxlovid.

Aaniin ge-izhi-odaapinamaan Paxlovid?

Niizhing endasogiizhig mijin naanogon.

Makakoonsing biinde bezhig gizhebaawagag bezhig dash onaagoshig odaapinan. Endasing 2 mashkikiwag nirmatrelvir (miskoziwag) bezhig dash ritonavir (waabishkizi).

Gaa-aakoziwaad odedikosiwaang bangii eta o-da-odaapinaanaawaa.

Gakina niswe gi-ga-odaapinaag gizhebaawagag gaye onaagoshig gakina niswe naanogon owe ji-izhichigeyin. Bizaanigo mijim gi-daa-apandaan gemaa gaawiin memwaach Paxlovid ayaayin.

Giishpin waniikeyin ji-odaapinaman Paxlovid, 8 daso-diba'igan dash gaamashi izhiseg, wewiib odaapinan. Giishpin awashime 8 daso-diba'igan izhiseg, gego memwaach odaapinangen, baamaa ani-waabang ayaan. Gego 2 inake Paxlovid odaapinangen (6 mashkikiwag) bezhigwan.

Bizhishig odaapinan Paxlovid gaa-ig gimashkikiwikwem gaa-inig ji-doodaman.

Giiyaabi gi-daa-aazhoo'iwe aanawi odaapinaman Paxlovid gaawiin dash ozaam besho gi-daa-waabamaasiig awiyag. Agindan wiindamaagewin omaa: <https://www.ontario.ca/page/public-health-measures-and-advice>

Aaniin ge-izhi-inamanji'owaan odaapinamaan Paxlovid?

Owe gi-daa-inamanjiw odaapinaman Paxlovid:

- Bakaan gi-ga-ipojige
- Zhaabokaawiziwin
- Ishpishkaa gimiskwiim
- Gidewiz
- Gidewishkade
- Gi-wii-zhishigagowe
- Gaawiin giminomanji'osii

Godak gi-daa-inamanjiw gaye Ganoosh gimashkikiwikwem giishpin ozaam maanamanji'oyin gemaa gaawiin booni-inamanji'oyin

Aaniind ge-inamanji'oyamban Paxlovid odaapinamaan gaawiin dash bizhishig

- **Gegoon inishkaagoyin** Booni-odaapinan iwe Paxlovid giishpin maanishkaagoyin daabishkoo owe: ginagizhageyin (hives), zanagak ji-gwanjigeyin gemaa ji-bagidanaamoyin, baagidooneyin, baagiingweyin, baagidenaniweyin, ziinjigwandashkwemanji'oyin gemaa bidikotaagoziyin giigidoyin.
- **Gikon maanzhiseyin** Wiindamaw mashkikiwikwe giishpin owe izhiseyin: ozaawizhageyin gemaa gishkiinzhigoon ozaawaagin (jaundice), makadewi-ozaawaagamig gishigiwin, dewiziyin gigichi-oniking inake gimisadaang.
- **Gashkitoosiwan ji-odaapinaman HIV mashkikiwan** Giishpin ayaayin HIV aakoziwin, Paxlovid odaapinaman gaawiin daa-minosesinoon iwe HIV mashkiki.

Gashkitoosiwan ji-odaapinaman HIV mashkikiwan.

Giishpin ayaayin HIV aakoziwin, Paxlovid odaapinaman gaawiin ganabach HIV mashkiki da-onizhishinzinoon odaapinaman naagach. Mino-ayaawin gaa-anokiitang (daabishkoo mashkikiwan gaa-adaawaaged) odaa-aanjitoonan mashkikiwan gaa-odaapinaman bizaanigo Paxlovid ji-odaapinaman.

Maagizhaa gaye Paxlovid daa-aanjishkaamagan boonoozhe-mashkikiwan gaa-odaapinaman. Godak dinookaan boonoozhe-mashkiki gi-daa-aabajitoon (daabishkoo biinda'ooji-gan gemaa gaawiin mazhiwesiwan) bekish odaapinaman Paxlovid.

Aan ge-izhichigeyaan giishpin awashime COVID-19 inamanji'oyaana?

Ganoosh mino-ayaawin gaa-anokiitang giishpin ani-mino-manji'osiwan gemaa awashime ayaayin 5 naanogon izhiseg.

Giishpin gichi-inamanji'oyin, 911 izhi-giigidon gemaa aakoziwigamigong izhaan. Owe gichi-inamanji'oyin:

- Zanagak ji-bagidanaamoyin
- Dewaakiganeyin
- Waniikeyin
- Giiwashkweyendaman

Debwemagan owe wiindamaagewin omaa apii January 2023.

Ginandawendaan na owe ji-wendak ji-agindaman?

1-877-280-8538, TTY 1-800-855-0511,
info@ontariohealth.ca

Publication No. 301238 (Western Ojibway)
ISBN No. 978-1-4868-6869-8 (PDF)
© King's Printer for Ontario, 2023